

程

李益集卷上

五言古詩

登長城

漢家今上郡秦塞古長城有日雲長慘無風
沙自驚當今聖天子不戰四夷平

雜曲

妾本蠶家女不識貴門儀藁砧持玉斧交結
五陵兒十日或一見九日在路岐人生此夫
婿富貴欲何為楊柳徒可折南山不可移婦



人貴結髮寧有再嫁資嫁女莫望高女心願
所宜寧從賤相守不願貴相離藍葉鬱重重
藍花若榴色少婦歸少年華光自相得誰言
配君子以奉百年身有義夫即壻無義還他
人愛如寒爐火棄若秋風扇山岳起面前相
看不相見丈夫非小兒何用強相知不見朝
生菌易成還易衰征客欲臨路居人還出門
北風河梁上四野愁雲繁豈不戀我家夫壻
多感恩前程有日月勲績在河源少婦馬前

立請君聽一言春至草亦生誰能無別情殷
勤展心素見新莫忘故遙望孟門山殷勤報
君子既為隨陽鴈勿學西流水嘗聞生別離
悲莫悲於此同器不同榮堂下即千里與君
貧賤交何異萍上水託身天使然同生復同
死

送遼陽使還軍

征人歌且行北上遼陽城二月戎馬息悠悠
邊草生青山出塞斷代地入雲平昔者匈奴

戰多

兵平生報國憤日夜角弓鳴勉

君萬

去勿使虜塵驚

與僧法振同賦應門照綠苔

宮上何年月應門何歲苔清光一以照白露
共徘徊珠履久行絕玉房重未開妾心正如
此昭陽歌吹來

賦得早燕送別

碧草縵如綫去來雙飛燕長門未有春先入
班姬殿梁空繞復息簷寒窺欲遍今至隨紅

萼昔還悲索扇一別無秋鴻差池詎相見

秋晚溪中寄懷大理齊司直

鳳翔屬明代羽翼文歲蕤崑崙進琪樹飛舞
下瑤池振儀自西睽東 分釐國典唯平

法伊人方在斯荒寧桁陽肅芳輝蘭玉滋明

質鶩高景飄緇服纓綏天寒清洛苑秋夕白

雲司况復空巖側蒼蒼幽桂期歲寒坐流霰

山川猶別離浩思憑尊酒氛氲獨含辭

溪中月下寄楊子尉封亮

蘅若奪幽色銜思恍無踪宵長霜霧多歲晏
淮海風團團山中月三五離夕同露凝朱絃
絕觴至蘭玉空清光液流波盛明難再逢常
恐河漢遠坐窺煙景窮小人諒處陰君子樹
大功未願厲高翼慰我丹桂叢

春晚賦得餘花落

留春春竟去春去花如此蝶舞遶應稀鳥驚
飛詎已衰紅辭故萼繁綠扶凋蘂自委不勝
愁庭風那更起

聞亡友王七嘉禾寺得素琴

故人惜此去留琴明月前今來我訪舊淚灑
白雲天詎欲匣孤響送君歸夜泉撫琴猶可
絕况此故無絃何必雍門奏然後使潺湲

校書郎揚凝往年以古鏡貺別今追

贈以詩

明鏡出匣時明如雲間月一別青春檻回光
照華髮美人惜自愛鞶帶手所結願以三五
期經天無玷缺

置酒

置酒命所歡，憑觴遂爲戚。日往不再來，茲晨坐成昔。百齡非久長，五十將半百。胡爲勞我形，已鬢還復白。西山鸞鶴群，矯矯煙霧翮。明發金丹陰，洞潛水碧安。得凌風羽，崦嵫駐靈魄。無然坐衰老，慙嘆東陵栢。

長社竇明府宅夜送王屋道士常究

子

且隨三鳥去，羽節凌霞光。暮與雙鳧宿，雲車

下紫陽。天壇臨月近，洞水出山長。海嶠年年別，丘陵徒自傷。

觀回軍

行行上隴頭，隴月暗悠悠。萬里將軍沒，回旌壠戍秋。誰令嗚咽水，重入故宮流。

華山南廟

陰山臨古道，古廟閉山碧。落日春草中，寒芳薦瑤席。明靈達精意，髣髴如不隔。巖雨神降時，回飈入松栢。常聞坑儒後，此地返秦壁。自

古害忠良神其輔宗祐

喜邢校書遠至對雨同賦遠晚飯阮
返五韻

雀噪空城陰木衰
蟲思遠已蔽青山望徒悲
白雲晚別離千里風雨中
同一飯開徑說逢
康臨方觴接阮旅宦竟何如
勞飛思自返

城西竹園送裴佶五達

歲蕤凌風竹窸窣
離人觴愴懷非外至沈鬱
自中腸遠行從此始
別袂重淒霜

月下喜邢校書至自洛

天河夜未央漫漫復蒼蒼
重君遠行至及此
明月光華星映衰柳暗
水入寒塘客心定何
似餘歡方自長

北至太原

炎祚昔昏替皇基
此鬱盤玄命久已集
撫運乃良艱南阮羊腸險
北走鴈門寒始於一戎
定垂此億世安唐風本憂思
王業寔艱難中曆雖橫潰
天紀未可干聖明所興國
靈嶽固

不殫咄咄薄遊客斯言殊不刊

入華山訪隱者經仙人石壇

三考四嶽下官曹少休沐久負青山諾今還
獲所欲常聞玉清洞金簡受玄籙夙駕昇天
行雲遊恣霞宿平明矯輕策捫石入空曲仙
人古石壇苔遶青瑤局陽桂凌煙紫陰蘿冒
水綠隔世聞丹經懸泉注明玉前驚羽人會
白日天居肅問我將致辭笑之自相目竦身
雲遂起仰見雙白鵠墮其一紙書文字類鳥

足視之了不識三返又三復歸來問方士舉
世莫解讀何必若蜉蝣然後為跼促鄙哉宦
遊子身志俱降辱再往不及期勞歌叩山木

罷鏡

手中青銅鏡照我少年時衰颯一如此清光
難復持欲令孤月掩從遣半心疑縱使逢人
見猶勝自見悲

華陰東泉同張處士詣葺律師兼簡
縣內同官因寄齊中書

蒼崖抱寒泉淪照洞金碧潛鱗孕明晦山靈
悶幽蹟前峯何其詭萬變窮日夕松老風易
悲山秋雲更白故人中邑吏五里仙霧隔美
質簡瓊瑤英聲缺金石煩君竟相問問我此
何適我因贊時理書寄西飛翮哲匠熙百工
日月被光澤大國本多士荆岑無遺壁高網
彌八紘皇圖明四闢群材旣無暢顧我在草
澤貴無身外名賤有區中役忽忽百齡內殷
殷千慮迫人生已如寄在寄復為客舊國不

得歸風塵滿阡陌

荅郭黃中孤雲首章見贈

孤雲生西北從風東南飄帝鄉日已遠蒼梧
無還颺已矣玄鳳嘆嚴霜集靈苔君其勉我
懷歲暮孰不凋

合源溪期張計不至

霜露肅時序緬然方獨尋暗溪遲仙侶寒澗
聞松禽寂歷茲夜永清明秋序深微波澹澄
夕煙景含虛林素志久淪否幽懷方自吟

竹溪

訪竹越雲崖即林若溪絕寧知修幹下漠漠
秋苔潔清光溢空曲茂色臨幽澈採摘愧芳
鮮奉君歲暮節

送諸暨王主簿之任

別愁已萬緒離曲方三奏遠宦一辭鄉南天
異風候秦城歲芳老越國春山秀落日望寒
濤公門閉清晝何用慰相思裁書寄關右

罷秩後入華山採茯苓逢道者

委綬來名山觀竒恣所停山中若有聞言此
不死庭遂逢五老人一謂西嶽靈或聞樵人
語飛去入昴星授我出雲路蒼然凌石屏視
之有文字乃古黃庭經左右長松列動搖風
露零上蟠千年枝陰虬負青冥下結九秋霰
流膏爲茯苓取之砂石間異若龜鶴形况聞
秦宮女華髮變已青有如上帝心與我千萬
齡始疑有仙骨鍊魂可永寧何事逐豪遊飲
啄以羶腥神物亦自閔風雷護此扃欲傳山

中寶回策忽已暝乃悲世上人求醒終不醒
自朔方還與鄭式瞻崔稱鄭子周岑
贊同會法雲寺三門避暑

予本疎放士竭來非外矯誤落邊塵中愛山
見山少始投清涼宇門值煙岫表參差牙明
滅彩翠竟昏曉泠泠遠風來過此群木杪英
英二三彥襟曠去煩撓游川出潛魚息陰勸
飛鳥徇物不可窮唯於此心了

來從竇車騎行

束髮逢世屯懷恩抱明義讀書良有感學劔
慙非智遂別魯諸生來從竇車騎追兵赴邊
急絡馬黃金轡出入燕南陲由來重意氣自
經皋蘭戰又破樓煩地西北護三邊東南留
一尉時過歛如雲參差自不意將軍失恩澤
萬事從此異置酒高臺上薄暮秋風至長戟
與我歸騎來同棄置自酌還自飲非名又非
利歌出易水寒琴下雍門淚出逢平樂舊言
在天階侍問我從軍苦自陳少年貴丈夫交

四海徒論身自致漢將不封侯蘇卿勞遠使
今我終此曲此曲誠不易貴人難識心何由
知忌諱

夜發軍中

邊馬櫪上驚雄劍匣中鳴半夜軍書至匈奴
寇六城中間分暗陣太乙起神兵出沒風雲
合蒼黃豺虎爭今日邊庭戰緣賞不緣名
將赴朔方早發漢武

弭蓋出故關窮秋首邊路問我此何為平生

重一顧風吹山下草繫馬河邊樹奉役良有
期回瞻終未屢去鄉幸未遠戎衣今已故豈
惟幽朔寒念我機中素去矣勿復言所酬知
音遇

城傍少年

生長邊城傍出身事弓馬少年有膽氣獨獵
陰山下偶與匈奴逢曾擒射鵰者名懸壯士
籍請君少相假

游子吟

女羞夫婿薄客耻主人賤遭遇同衆流低回
媿相見君非青銅鏡何事空照面莫以衣上
塵不謂心如練人生當榮盛待士勿言倦君
看白日馳何異絃上箭

飲馬歌

百馬飲一泉一馬爭上游一馬噴成泥百馬
飲濁流上有滄浪客對之空歎息自顧纓上
塵徘徊終日夕爲問泉上翁何時見沙石

連塘驛

五月渡淮水南行遶山陂江村遠鷄應竹裡
聞縹絲楚女肌髮美蓮塘煙露滋菱花覆碧
渚黃鳥雙飛時渺渺沂泗遠憑風託微詞斜
光動流睇此意難自持女歌本輕艷客行多
怨思女蘿蒙幽蔓擬上青桐枝

七言古詩

登夏州城觀送行人賦得六州胡兒
歌

六州胡兒六蕃語十歲騎羊逐沙鼠沙頭牧

馬孤鴈飛漢君遊騎貂錦衣雲中征戍三千
里今日征行何歲歸無定河邊數株柳共送
行人一杯酒胡兒起作和蕃歌齊唱嗚嗚盡
垂手心知舊國西州遠西向胡天望鄉久回
頭忽作異方聲一聲回盡征人首蕃音虜曲
一難分似說邊情向塞雲故國關山無限路
風沙滿眼堪斷魂不見天邊青作塚古來愁
殺漢昭君

從軍夜次六胡北飲馬磨劔石為祝

殤辭

我行空磧見砂之磷磷與草之冪冪半沒胡
兒磨劔石當時洗劔血成川至今草與砂皆
赤我因扣石問以言水流嗚咽幽草根君寧
獨不恠陰燐吹火熒熒又為碧有鳥自稱蜀
帝鬼南人伐竹湘山下交根接葉滿淚痕請
君先問湘江水然我此恨乃可論秦亡漢絕
三十國關山戰死知何極風飄雨灑水自流
此中有冤消不得為之殫劔作哀吟蓬砂四

起雲沉沉滿營戰馬嘶欲盡畢昂不見胡天
陰東征曾弔長平苦往往晴明獨風雨年移
代去感精魂空山月暗聞鼙鼓秦坑趙卒四
十萬未若格鬪傷戎虜聖君破胡為六州六
州又盡為胡立韓公三城斷胡路漢甲百萬
屯邊秋乃分司空授朔十擁以玉節臨諸侯
漢為一雪萬世讎我今抽刀勒劔石告爾萬
世為唐休又聞招魂有美酒為我澆酒祝東
流殤為魂兮可以還故鄉些沙場地無人兮

爾獨不可以久留

登天壇夜見海

朝遊碧峯三十六夜上天壇月邊宿仙人携
我搴玉英壇上夜半東方明僊鍾撞撞近海
日海中離離三山出霞梯赤城遙可分霓旌
絳節倚彤雲八鸞五鳳紛在御王母欲上朝
元君群仙指此為我說幾見塵飛滄海竭竦
身別我期丹宮空山處處遺清風九州下視
杳未旦一半浮生皆夢中始知武皇求不死

去逐瀛洲羨門子

大禮畢皇帝御丹鳳門改元建中大赦

大明曠曠天地分六龍負日升天門鳳凰飛
來銜帝籙言我萬代金皇孫靈雞鼓舞承天
赦高翔百尺垂朱幡宸居穆清受天曆建中
甲子合上元昊穹景命即已至王事乃可酬
乾坤中升告成荅玄貺泥金檢玉昭鴻恩云
亭之事略可記七十二君寧獨尊小臣有上

封禪表久而未就歸陵園

輕薄篇

豪不必馳千騎雄不在垂雙鞬天生俊氣自
相逐出與鷗鷺同飛翻朝行九衢不得意下
鞭走馬城西原忽聞燕鴈一聲去回鞍挾彈
平陵園歸來青樓曲未卒美人玉色當金尊
淮陰少年不相下酒斟半笑倚市門安知我
有不平色白日欲落紅塵昏死生容易如反
掌得意失意由一言少年但飲莫相問此中

報讎亦報恩

野田行

日没出古城野田何茫茫寒狐嘯青塚鬼火
燒白楊昔人未為泉下客行到此中曾斷腸

古別離

雙劍欲別風淒然雌沉水底雄上天江回漢
轉兩不見雲交雨合知何年古來萬事皆由
命何用臨岐苦涕漣

李益集卷上

李益集卷下

五言律詩

竹窓聞風寄苗發司空曙

微風驚暮坐臨牖思悠哉開門復動竹疑是
故人来時滴枝上露稍沾堦下苔何當一入
幌為拂綠琴埃

賦得垣衣

漠漠復霏霏為君垣上衣昭陽輦下草應笑
此生非掩藹青春去蒼茫白露稀猶勝萍逐

水流浪不相依

送人流貶

漢章雖約法秦律已除名謗遠人多惑官微
不自明霜風先獨樹瘴雨失荒城疇昔長沙
事三年召賈生

送人南歸

人言下江疾君道下江遲五月江路惡南風
驚浪時應知近家喜還有異鄉悲無奈孤舟
夕山歌聞竹枝

水亭夜坐賦得曉霧

月落寒霧起沈思浩通川宿禽轉木散山澤
一蒼然漠漠沙上路沍沍洲外田猶當依遠
樹斷續欲窮天

送常曾侍御使西蕃寄題西川

涼王宮殿盡蕪沒隴雲西今日聞君使雄心
逐鼓鼙行當收漢壘直可取蒲泥舊國無由
到煩君下馬題

入南山全師蘭若

木墮水歸壑寂然無念心南行有真子被褐
息山陰石路瑤草散松門寒景深吾師亦何
授自起定中吟

送韓將軍還邊

白馬羽林兒揚鞭薄暮時獨將輕騎出暗與
伏兵期雨雪移軍遠旌旗上壠遲聖心戎寄
重未許讓恩私

晚春卧病喜振上人見訪

卧牀如舊日窺戶易傷春靈壽扶衰力芭蕉

對病身道心空寂寞時物自芳新旦夕誰相
訪唯當攝上人

春行

侍臣朝謁罷戚里自相過落日青絲騎春風
白紵歌恩承三殿近獵向五陵多歸路南橋
望垂楊拂細波

洛陽河亭奉酬留守群公追送

離亭餞落暉臘酒減春衣歲晚煙霞重川寒
雲樹微戎裝千里至驛路十年歸還似汀洲

鴈相逢又背飛

尋紀道士偶會諸叟

山陰尋道士映竹羽衣新侍坐雙童子陪遊
五老人水松花下靜壇草雪中春見說桃源
洞如今猶避秦

同蕭鍊師宿太乙廟

微月空山曙春祠謁少君落花壇上拂流水
洞中聞酒引芝童奠香餘桂子焚鶴飛將羽
節遙向赤城分

送同落第東遊

東門有行客落日滿前山聖代誰知者滄洲
今獨還片雲歸海暮流水背城閒余亦依嵩
穎松花深閉關

送柳判官赴振武

邊庭漢儀重旌甲似雲中虜地山川壯單于
鼓角雄關寒塞榆落月白胡天風君逐嫖姚
將麒麟有戰功

述懷寄衡州令狐相公

調元方翼聖軒蓋忽言東道以中樞密心將
外理同白頭生遠浪丹葉下高楓江上蕭疎
雨何人對謝公

喜入蘭陵望紫閣峰呈宣上人

薙草開三徑巢林喜一枝地寬留種竹泉淺
欲開池紫閣當踈牖青松入壞籬從今安僻
陋蕭相是吾師

喜見外弟又言別

十年亂離後長大一相逢問姓驚初見稱名

憶舊容別來滄海事語罷暮天鍾明日巴陵
道秋山又幾重

立春日宜州行營因賦朔風吹飛雪
邊聲日夜合朔風驚復來龍山不可望千里
一徘徊捐扇破誰執素紉輕欲栽非時妬桃
李自是舞陽臺

又獻劉濟

草綠古燕州鶯聲引獨遊鴈歸天北畔春盡
海西頭向日花偏落馳年水自流感恩知有

地不上望京樓

哭栢巖禪師

遍與傍人別臨終書不愁影堂誰爲掃坐塔
自看修白日鐘邊晚青苔鉢上秋天涯禪弟
子空到栢巖遊

五言排律

宿馮翊夜雨贈主人

危心驚夜雨起望漫悠悠氣耿殘燈暗聲繁
高樹秋涼軒辭夏扇風幌攬輕裯思緒蓬初

斷歸期燕暫留關山藹已失臉淚迸難收賴
君時一笑方能解四愁

送襄陽李尚書

天寒發梅柳憶昔到襄州樹暖燃紅燭江清
展碧油風煙臨峴首雲水接昭丘俗尚春秋
學詞稱文選樓都門送旌節符竹領諸侯漢
沔分戎寄祭元減聖憂時追山簡興本自習
家流莫廢思康樂詩情滿沃洲

春日晉祠同聲會集得疎字韻

風壤瞻唐本山祠閱晉餘水亭開帝幕巖榭
引簪裙地綠苔猶少林黃柳尚踈菱茗生皎
鏡金碧照澄虛翰苑聲何舊賓筵醉止初中
州有遼鴈好爲繫邊書

七言律詩

同崔邠登鶴雀樓

鶴雀樓西百尺墻汀洲雲樹共茫茫漢家簫
鼓空流水魏國山河半夕陽事去千年猶恨
速愁來一日即爲長風煙併是思歸望遠目

飛春亦自傷

奉酬崔員外副使攜琴宿使院見示
忽聞此夜携琴宿遂歎常時塵吏暄庭木已
衰空月亮城砧自急對霜繁猶持副節留軍
府未薦高詞直掖垣誰問南飛長繞樹官微
同在謝公門

送賈校書東歸寄振上人

北風吹鴈數聲悲况指前林是別時秋草不
堪頻送遠白雲何處更相期山隨匹馬行看

暮路入寒城獨去遲為問東州故入道江淹
已擬惠休詩

過馬嵬二首

路至墻垣問樵者顧予云是太真宮太真血
染馬蹄盡朱閣影隨天際空丹壑不聞歌吹
夜玉階唯有薜蘿風世人莫重霓裳曲曾致
干戈是此中

金甲銀旌盡已回蒼茫羅袖隔風埃濃香猶
自隨鸞輅恨魄無由離馬嵬南內真人悲悵

殿東溟方士問蓬萊唯留坡畔鸞環月時送
殘輝入夜臺

五言絕句

賦得路傍一株柳送邢校書赴延州
使府

路傍一株柳此路向延州延州在何處此路
起悠悠

重贈邢校書

俱從四方士共會九秋中斷蓬與落葉相值

各因風

照鏡

衰髮朝臨鏡將看各自疑慙君明似月照我
白如絲

書院無曆日以詩代書問路侍御六
月大小

野性迷堯曆松窓有道經故人爲柱吏爲我
數塔藁

聞鷄贈主人

嚶嚶司晨鳴報爾東方旭無事戀君軒令君
重鳧鵠

登白樓見白鳥席上命鷓鴣辭

一鳥如霜雪飛向白樓前問君何以至天子
太平年

石樓山見月

紫塞連年成黃砂磧路窮故人今夜宿見月
石樓中

惜春傷同幕故人孟郎中兼呈去年

看花友

畏老身全老逢春解惜春今年看花伴已少
去年人

嘉禾寺見亡友題壁

今日憶君處憶君君豈知空餘暗塵字讀罷
淚仍垂

聽唱赤白桃李花

赤白桃李花先皇在時曲欲向西宮唱西宮
官樹綠

江南詞

嫁得瞿塘賈朝朝悞妾期早知潮有信嫁與
弄潮兒

贈內兄盧綸

世故中年別餘生此會同却將悲與病來對
朗陵翁

天津橋南山中

野坐分苔席山行遶菊叢雲衣惹不破秋色
望來空

答竇二曹長留酒還榼

榼小非由榼星卽是酒星解醒元有數不用
嚇劉伶

荅廣宣供奉問蘭陵居

居北有朝路居南無住人勞師問家第山色
是南鄰

乞寬禪師瘦山壘呈宣供奉

石色凝秋蘚峰形若夏雲誰留秦苑地好贈
杏溪君

觀騎射

邊頭射鵰將走馬出中軍遠見平原上翻身
向暮雲

幽州賦詩見意時佐劉幕

旌戍在桑乾年年薊水寒殷勤驛西路北去
向長安

軍次陽城烽舍北流泉

何地可潛然陽城烽樹邊今朝望鄉客不飲
北流泉

七言絕句

度破訥沙二首

眼見風來沙旋移經年不省草生時莫言塞
北無春到總有春來何處知
破訥沙頭鴈正飛礪鵝泉上戰初歸平明日
出東南地滿磧寒光生鐵衣

拂雲堆

漢將新從虜地來旌旗半上拂雲堆單于每
近沙場獵南望山陰哭始回

策
中橋北送穆質兄弟應制戲贈蕭二

洛水橋邊鴈影踈陸機兄弟駐行車欲陳漢
帝登封草猶待蕭郎寄內書

九月十日雨中過張伯佳期柳鎮未
至以詩招之

柳吳興近無消息張長公貧苦寂寥唯有角
巾霑雨至手持殘菊向西招

沐河曲

汴水東流無限春
隋家宮闕已成塵
行人莫上長堤望
風起楊花愁殺人

塞下曲四首

蕃州部落能結束
朝暮馳獵黃河曲
燕歌未斷塞鴻飛
牧馬群嘶邊草綠
秦築長城城已摧
漢武北上單于臺
古來征戰虜不盡
今日還復天兵來
黃河東流流九折
沙場埋恨何時絕
蔡琰沒去造胡笳
蘇武歸來持漢節

爲報如今都護雄
匈奴且莫下雲中
請書塞北陰山石
願比燕然車騎功

夜上西城聽梁州曲二首

行人夜上西城宿
聽唱梁州雙筦逐
此時秋月滿關山
何處關山無此曲
鴻鴈新從北地來
聞聲一半却飛回
金河戍客腸應斷
更在秋風百尺臺

暖川

胡風凍合礪鵝泉
牧馬千群逐暖川
塞外征

行無盡日年年移帳雪中天

過馬嵬

漢將如雲不直言
寇來翻罪羅綺恩託君休
洗蓮花血留記千年妾淚痕

荅許五端公馬上口號

晚逐旌旗俱白首
少遊京洛共緇塵不堪身
外悲前事強向杯中覓舊春

牡丹

紫藥叢開未到家
却教遊客賞繁華始知年

少求名處滿眼空中別有花

邊思

腰懸錦帶佩吳鈎
走馬曾防玉塞秋莫笑關
西將家子祇將詩思入涼州

奉和成相公春晚聞鶯

蜀道山川心易驚
綠窓殘夢曉聞鶯分明似
雪文君恨萬怨千愁絃上聲

送客還幽州

惆悵秦城送獨歸
薊門雲樹遠依依
秋風莫

射南來鴈從遣乘春更北飛

楊柳送客

青楓江畔白蘋洲楚客傷離不待秋君見隋
朝更何事柳楊南渡水悠悠

從軍北征

天山雪後海風寒橫笛偏吹行路難
人三十萬一時回向月明看

聽明角

繁霜一夜落庭蕪吹角當城漢月孤無限塞

鴻飛不度秋風卷入小單于

上黃堆烽

心期紫閣山中月身過黃堆烽上雲年髮已
從書劔老戎衣更逐霍將軍

宮怨

露濕晴花春殿香月明歌吹在昭陽似將海
水添宮漏共滴長門一夜長

莫過回樂烽

烽火高飛百尺臺黃昏遙自磧西來昔時征

戰回應樂今日從軍樂未回

奉和武相公郊居寓目

黃扉晚下禁垣鍾歸坐南闈山萬重獨有月中高興盡雪峯明處見寒松

詣紅樓院尋廣宣不遇留題

柿葉翻紅霜景秋碧天如水倚紅樓隔窓愛竹無人問遣向鄰房覓戶鈎

回軍行

關城榆葉早踈黃日暮沙雲古戰場表請回

軍掩塵骨莫教士率哭龍荒

邠寧春日

桃李年年上國新風沙日日塞垣人傷心更見庭前柳忽有千條欲占春

古瑟怨

破瑟悲秋已減絃相靈沉怨不知年感君拂拭遺音在更奏新聲明月天

觀石將軍舞

微月東南上戍樓琵琶起舞錦纏頭更聞橫

笛關山遠白草胡沙西塞秋

春夜聞笛

寒山吹笛喚春歸
遷客相看淚滿衣
洞庭一夜無窮鴈
不待天明盡北飛

揚州送客

南行直入鷓鴣群
萬歲橋邊一送君
聞道望鄉聞不得
梅花暗落嶺頭雲

統漢峰下

統漢峰西降戶營
黃河戰國擁長城
只今已

勒燕然石此地無人空月明

避暑女冠

霧袖煙裙雲母冠
碧琉璃簾井水寒
焚香欲使三清鳥
靜拂桐陰上玉壇

行舟

柳花飛入正行舟
卧引菱花信碧流
聞道風光滿楊子
天晴共與望鄉樓

隋宮燕

燕語如傷舊國春
宮花一落旋成塵
自從一

閉風光後幾度飛來不見人

送人歸岳陽

煙草連人楓樹齊嶽陽歸路子規啼春江萬里巴陵戍落日看沉碧水西

上汝州郡樓

黃昏鼓角似邊州三十年前上此樓今日山城對垂淚傷心不獨爲悲秋

臨滹沱見蕃使列名

漠南春色到滹沱碧柳青青塞馬多萬里江

山今不閉漢家頻許郅支和

寫情

水紋珍簟思悠悠千里嘉期一夕休從此無心愛良夜任他明月下西樓

夜上受降城聞笳

回樂烽前沙似雪受降城上月如霜不知何處吹蘆管一夜征人盡望鄉

赴渭北宿石泉驛南望黃堆烽

邊城已在虜塵中烽火南飛入漢宮漢庭議

事并黃老麟閣何人定戰功

拾遺

效古促促曲為河上思婦作

促促何促促黃河九回曲嫁與棹船郎空牀
時影宿不道君心不如石那令妾貌長如玉

赴邠寧留別

身承漢飛將束髮即言兵俠少何相問從來
事不平黃雲斷朔吹白雪擁沙城幸應邊書
募橫戈會取名

再赴渭北使府留別

結髮逐鳴輦連兵追谷蠡山川搜伏虜鎧甲
被重犀故府旌旗在新軍羽板齊報恩身未
死識路馬還嘶列嶂高峰舉當營太白低平
戎七尺劍封檢一丸泥截海取蒲類跑泉飲
鷓鴣漢庭中選重更事五原西

鹽州過胡兒飲馬泉

綠楊著水草如煙舊是胡兒飲馬泉幾處吹
笳明月夜何人倚劍白雲天從來凍合關山

路今日分流漢使前莫使行人照容鬢恐驚
憔悴入新年

李益集卷下



正